

ALL NATIONS GOSPEL PUBLISHERS



www.angp-hb.co.za



info@angp.co.za

XEEÑ NO KIIN

MBAAT O ÊEENDOOR YIIF

(A lalit no nitaal xarɓaxay)

Copyright ANGP

COPRYRIGHT
ISBN 0 - 947052 - 32 - 1

ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.
(Une Mission de littérature évangélique financée de dons)
(Reg. No. 1961/001798/08)

XEEŃ NO KIIN

MBIND ROOG MBAAT O JALAND SAYTAANE

(1 Sañ 3:4-10)

Kene refee safe xas. A eeta sutoox Tugal too yaaga fa ndiiki a fi'a xa kiid teemeed tik. Safe lene a taxa xa laaw xa mayu a muc. Kaa ref o ðeendoor yiif olaa na taxaa wiin we a mbaag o nga ne da nandna, ne Roog fa xoox um a ga'tuuna. Wiin mayu a nga'a no safe lene yee baabakaad a ndefu. Too a ticax den a ci'a a den xeeŋ xas fo yiif xas.

Nu niirangaa safe lene, xan nu mbetandoox ee o ðeendoor olaa nu mbaagna nga'it a qoox nuun sax a refu. nu ndefangaa gimeer mbaat kerceen mbaat kuu nu mbaagna mbaag o ndef, xan nu nga teen a qoox nuun ne Roog a ga'tan. Roog naangee o ðeetaa tafil fee no kiin oxe, ndaa xeeŋ le no kiin oxe a ðeetaa.

Saytaane refu faap na xa maaþ, fo o maad na xa nibaan, a ref roog fee na adna fene. Kaa fi'ooxaa malaaka fee na qoolaand ale, ne mayu a mboogtan, ndaa refiran. Nen na yaaga, na jamaane fene i ndefna, a jega mayu waa na layooxaa daalbe Yeesu too ndefiran. Keene koy refee o njaaxdataan, yaam saytaane fa xoox um sax kaa fi'ooxaa malaaka fee na qoolaand ale. (2 Kor 11:13,14). Saytaane na fuulandaa wiin we, ndax nga'kee qoolaand ale no yegil mbaax ne fo o ndam onqe Kiristaa. (2 Kor 4:4). Baabakaad we fop fo we ngimeerna kaa nqon too a mbuul mbaambir Roog yaam adna feeke fo yaam oxe na maadooxaa ngeŋ ne, a ref yiif le na yo'naa xa þiy axe na njofatar ne. (Ef 2:1,2). A kid den a mbetwangee na pi'oof a paaxeer ake, na fidel laa na refkaa boo kili a njofkaa. Layna yee jegiim bakaad koo naxaa xoox of.

Boo nu niiraa safe lene, teetaa nitaal ke ndefna teen, xan nu nga a qeeŋ nuun sax sax. Ba nu mbañit a qoolaand ale Roog a lal a nuun ne a qeeŋ nuun a nandna. Njaþyo pakaad nuun too ba nu nqaŋ a den muk, yaam Roog a laya yee: "Boo i layna yee i njegee bakaad, kaa i naxaa a qoox in, too ndigil refee na in. I mbeejlangaa pakaad in, Roog a gore'a too a jofa boo a waasanaa in pakaad ke in, a xoolandaa in no njofatar nuu refna." (1 Sañ 1:8-9). "Fo'oy le no Peem Yeesu kaa bogaa in na bakaad fuu refna." (1 Sañ 1:7). Nu naanga ndagwaa a Roog fað Roog nu ndefu, nu ndagwaa a saytaane fað saytaane nu ndefu. O ñoow nuun a refangaa pakaad ba nu mbañin. Nqaýyo a Roog fee waagna o mucil a nuun, a reefan-din na Yeesu Kiristaa fee garna na adna fee ndax ta mucil a in no pakaad, too itam ndax ta bol sañsañ bakaad fee saytaane took in. O

ten refu o Baawat oxe in. Fat nu and ee Roog kaa ga'aa a pi nuun fo a qalaat nuun ake tasna no ñoow nuun. Nu mbaagee o tas mbaambir Roog, nu mbaagiran o tasin a pi nuun itam ndax oxe sakna nof nankee? Mbaat ndax oxe sakna a ngid ga'kee?

"Yaam Roog kaa yoŋ a kid um took lanq ke fop ndax ta damit we a qeeñ den fop a ndefna no ten." (2 Koronik 16:9).

"Yaam Roog a ga'a a pesooroof no fop. A naanga ga'aa a ñaaçoot no xuu refna. Jegée sen maa o kiin a waagna ðas no we na mbakaadaa." (Yob 34:21,22).

"Yeesu koy hooloox'ee a den yaam a and'a a den, den fop." (Sañ 2:24).

Yaaga boog: "We mbaasaneena tooñ den a taaya, we mbaasaneena pakaad den a taaya, oxe Roog a rabidkeerna bakaad um a ðaaya. No yiif le Roog jegeerna dara kaa ta ðasinna." (A kim a tedu ke 32:1,2, niiryo itam A kim a tedu ke: 51). Yeesu kaa xoyaa a in xaye. "Ngaryo me mi nuun fop, nuun we nqijna too meŋel, ndax um ci a nuun a ñootnax." (Mace 11:28-29).

A TEKIT ALE NO NITAAL KE NITAAL EETAAND NE

Nitaal nene kaa lalit xeeñ no tew mbaat no koor oxaa xayeeerna adna fee. Oxaaga o paabakaad a refu. Biibal fee koy, o paabakaad a xoyaa o kiin um. Ten refu oxaa andoona yee kaa reeffaa adna fa mbelu fee fo ke cer um a yaawaa. Kene refu nitaal ndigil ne refna no xeeñ no kiin, too neene mat Roog a ga'tan. A kid a yeeq a saðarnuwu kaa laltaa nen jiko no yeeyer ne ta layteena kam xa Pefit axe 23:29-33. "Aniin njegu a kañax, fo ñimatif, fo a qasax, fo tomatax, a toy a bareer ake? Aniin njegu a kid a yeeq? We na yengnuwaa paam biñ, we na yeraa biñ fa njule, a yaxig coy a fuuraa, too a yooŋ o caarel. Feene biñ kaa ñataa nen fangool, too kaa dibaa. A kid of xan a mbi nen kaa nga'aa genar, soo o layataa xa andan xa þor." Yoora xoox le no nitaal neeke nu nga'a xeeñ laa refna ngenand no puufuðag mayu kaa andoona yee oxuu refna teen bakaad a tektu kam xeeñ le no kiin oxe. Yaam xeeñ refu ngenand fo o moofand bakaad. Na fa lay no tuleer Yeremi, Roog kaa lay ee: "Xeeñ moŋu jofatar kuu ga'oona too ten moŋu soxod. An waagun o and?" (Yeremi 17:9). Yeesu fo xoox um a maŋwa keene ye ta layna yee: "Yaam a qalaat a paaxeer ake no xeeñ no



1. XEEÑ NO PAABAKAAD

kiin a sutooraa, den fo pesanir fo kuuf ke fo barir ke fo ceeq ke fo o bug xaaliis fo coxod ne fo naxir ke fa pi a parŷu ke no cer ke fo ciisir ke fo a ben ake fo a magnandax ale, fo o ñak xoox. Paaxeer keene fop kam fee a sutooraa, too den na ndodgandaa o kiin.” (Mark 7:21-23).

1. NDIÎ MOSU NE O mosel um wiin we a teetaa. Keene o mat refu bakaad fee a magnandax a bisiidaa kam xeeñ le no kiin oxe. Malaaka fee Roog a moŷ'ina o fex, kaa magnandoox'u baa tax ta fudnel, boo a refat o pañ Roog. O ten refu saytaane. (Esayi 14:9-17, Eseki'el 28:12-17).

O nga'atinax na fidel laa a inooru too kaa may xa qos. Yoq we o nga'atinax halal a njegu, na fa yar den mbaat na tokax den alaa na laltaa o mbiñ fo mbiñ no cer den. Yoq we a laltaa a kumax nen xa çang axaa na nqawraa, fo ceq den ne ta layteena kam Esayi 3:17-24. “Neene itam, nuun mbes ke, nananyo maak we. Saqyo nuun fop a neewandax, ta ref pay nguloor nuun, yaam Roog kaa fañaa we na magnandwaa, a yirmaa we neewanduna.” (1 Piyeer 5:5). Roog bugee a yodax fo o nga'atinax. (Xa petit axe 8:13). “O nga'atinax kaa figwanaa a sañkax, a magnandax a geeranaa mbooxax.” (Xa petit axe 16:18).

2. SUK LE Njegel nqoonu too a wat kunpa a refu. Kaa tekit kam xeeñ le no kiin oxe a yaaw ake no cer ke ndefna njaalo. Pakaad keene kaa moŷ o may na jamaane fee in ndiiki. Keene koy a taxa i mbaag o nga ke Yeesu a layoogna too yaaga fa ndiiki a fi'a xa kiid cuni tik. Kaa tekit camaane palakaand ke. Kaa nand nen camaane ke Sodom fa Gomoor.

Yiif le xewna ndiiki dalee goor we fo rew we soom, ndaa a roka boo kam pasil ke no gimu Roog we, kam ekol fo me xa elew axe ñaam-taa sax. Sinimaa, tiyaatar, a pind a cofataru, mbaat a fat a lakas itam na nduufaa o ax o sednooxu leene kam a qeeñ ake no wiin we. Ke Roog a fi'ina bakaad a fi'ate ndiiki ke xewna. Xa tebandoonng xa mayu a ñaaŷnitayo o ñoow den took a safe a ponu akaa da niiraa fo xa film sinimaa axaa da mbuudna. Took keene fop xan a bek a den na gaci fo na ticax o feet. Fiifi we na pisiidaa o ñoow o xooleer ndefatu cambaar ke ndiiki. Xa pecand axe ndiiki, cageer rek na fi'teel teen. We Roog a deetaa nen wiin tedu we, ndefateeyo xa anddiloor ndiiki. (Yoseef, Safe le no mberaand naa: 39, fo lakas). Yeefar fa maak fee refna o Suluu, sadareerna war waa na njaalo'aa, a waaga jangin na jamaane in tig too a waaga jamb a in

na bes faa hate faa. Roog layee a in i ñas fo kaa na bakaadnooraa, ndaa ndax i ċufin. Ndax kaa nu andee yee oxuu saxna no Yaal oxe, yiif leng kut a fogatu fo ten? “Ċufyo njaalo! A jega pakaad lakas kaa ndeeferna no cer, ndaa oxuu rokna no njaalo, cer um sax sax a tooñu. Kaa nu andee yee cer nuun ndefu ngenand Yiif Tedu le, Roog a cooxna a nuun? Feek oxe na nuun koy, nu njegatee a qoox nuun.” (1 Kor 6:18-19). “Oxuu gefna Mbind Roog ne, xan Roog a gefin, yaam mbind um tedu yoo. Kaam ee nuun ndefu Mbind Roog ne.” (1 Kor 3:17).

3. RUUL LE Ruul le tektu bakaad fee refna way, fo nduud. Njegel salte'u yoo naa na ñaamaa kuu ta xetitna na fat um ta ref qoolu mbaat qooleer. Neene mat xeeñ baabakaad le na ðuudaa o ñuxur oluu refna fo fa lay fuu refna fo a pind a ponu fo nitaal mbaaxeer nuu refna a nandu. Cer ke mbar'ina ndef ngenand Roog mbaaxatee, kaa ndoðgandel fo ñaamel qooleer. A mernel a mag, mbaat a saap sumbu mbaat yambaa, mbaat lakas paaxeer. Goor we fo rew we kaa magataa too keene jeg'ee na jamaane faa yaaga. Katil ne Roog soom waagu mucil we sumbu adinna fo we na ndeefaa a saytaane. We ndefna gimu saðeeyo mag kam xa qetand axe, yaam keene xan a ref na den nen tooñ maak. Ndaa keene sax yaqanee da ndoðgandaa cer den ke ndefna ngenand ne Roog. “Kaa nu andee yee cer ke nuun ndefu ngenand Yiif Tedu le?” “Oxuu gefna Mbind Roog ne, xan Roog a gefin.” (1 Kor 6:18-19, 3:16-17).

O kiin o tiidu na ñaam itam felee a Roog. Kaa i ñaamaa ndax i ñoow ndaa i ñoowee ndax i ñaamaa. Oxe xeexeena a waaga giñ yaa ta ñaamna ñaamel tedu, ndaa o diid um ole kaa tax ta laacaa kili, a xedaa too deytooxkee muk.

A yaaw deyŋukee too giñkee muk. Kam sil mberaand ne, o kiin o tuudu mbaat o yeeyer a war'a o wartel a kac. (A cangin ale 21:18-21). “Yaam o yeeyer mbaat oxe bugna kaa na basaċbasaċnaa kaa xayaa xoox um o ndool too a miñangaa, ta rokwa liir. Oxe na yoonaa fo a caga ke kaa sednooraa a baa um.” (Xa petit axe 23:21, 28:7). Wetandwi yee o Yaal halal, o tiidu na ñaam, oxe refna o pað na yuxum um, a xona too a yoða a kid kam fidel laa, a jaaxið bo. Jaree sax i ne'aa paaxeer ke way a rimaa. Kaa refood ndigil boo jaree i ngot teen sax. Roog a laya a in sax ee: O baaway o leng lam-kee maat ne Roog. We na njalaa sangara fo we na njikooxan itam teen a mbogu. Yaam Roog kaa lay ee: “Sabab took nuun, nuun we njegna njambaar naa nu yertaa alkoon caxasrande.” (Esayi 5:22). “Sabab took of wo fee na yernooraa o kend of, wo oxe na caaranan

too waynooran.” (Hab 2:15). “Xa qilimb, a pamb fa liit da mbumbaayoortaa too teeteeyo sax calel ke no Yaal oxe.” (Esayi 5:12). “Qooqoyni baa o leng a nax a xoox um, yaam we na njaalo’aa fo we na njuuraa fo we na seeqaa fo goor we na mbesanraa a ndeer den, we na mbi’an fo we njaabuuna, fo guud we fo we ngalafna fo yeeyer say we fo we na mbenaa lakas we fo cublang ke, kaam ee o leng na den lamkee Maat ne Roog.” (1 Kor 6:9-10). Pakaad ke i mbi’aa na adna a mbeeñle (Gal 5:19-20). Pakaad keene ndefu nqoolatar, ngore’atar, nqasir, naal, ñimatif, coxodir, nqaayoor, nen way fo tig nand neene. We na mbi’aa tig nand neene fop, lamkee muk Maat ne Roog. “Ba nu mbayaa fo biiñ, yaam o luubax soom a bekkaa a nuun, ndaa mayyo fo Yiif Tedu le.” (Ef 5:18).

O xoy ole Yeesu no kaa farna no we ngoðomeena oxey: “Oxuu hoðomeena fat a gar me mi too xan a yer!” - “Nuun fop nuun we ngoðomeena, ngaryo yer no poofi keeke njegeerna njigand. Nu njegangee njigand, ngaryo njang fo sis fo biiñ, too nu ndabidkee dara!” (Esayi 55:1). “Oxe na yerkaa foofi le um cooxkan koy, hoðomkataand boo muk. Foofi leene um cooxkan xan a fi kam um a mbeel alaa a cur ake a ngawraa, a cooxin itam o ñoow o fagkeer ole.” (Sañ 4:14).

4. XOMB LE Neene o kiin o taylu a nandu. Kaa bisaa ke ta warna fi xaye, ta jol o feet. A matax: Ngimatar refu bakaad no xe na fanaa. Feeñaak koy bug-bug um na waran, yaam xa ðay um kaa mbaña a o njal. Soo ñaal nuu refna ta ref no yiifaa no bug um. (Xa petit axe 21:25-26). Sosuye a lay’a mboñ ne Israel ee: “Ba nu tayil ndax nu njeg saax le regteena.” Xeet fa mbeeñaaku mbaagee o ndaawit dara na Roog. Yeesu a laya yee: “Ngoorgoorlooxyo o ndokit no don-maax o ñoobu le.” (Lik 13:24). “Oxuu waatna xan a ga.” “Maat ne na asamaan kaa bugel o gef fa doole, too yaal toole ke na njeeman o njang.” (Mace 11:12).

Tayil no kaa jofna na jam in, fo no paax na xa laaw in kaa mo’nooraa a in. Keene na taxaa i ngeñkee, i mbaatkee ke xooðna na Roog. Kaa yaqanaa in itam i ndaaw tegit cegu njiriiñ ke Roog too kaa bisaa na yaqax. Roog a laacangaang xeeñ xaye, saytaane kaa layang ee o fi in o feet, mbaat bes fa lakas faa jagwoonga. Bes feene koy fad-kee muk. Naaga waagaa xon sax too muckiro, ñak a Yeesu. Roog kaa lay ee: “Xaye fee xaye, nu nanangaa o ñuxur ole Roog, ba nu satik a qeeñ.” (Heb 3:7-8). Wiin fodnum nqonafulu no we cungtoogna coxla den bes fa mosu. Bes faaga fadiidatee boo muk. O leng jeege o feet.

We ngenna no ðemb Roog ole Afrik kaa njiriĩnooraa mbaambaar xomb, a mbantan. Kam nitaal ne in xomb le tektu pakaad pan, nen o gim no pan, mbaat no xaa na ñango'aa, mbaat no xaa na ðeetaa, too fañ o hooloox a Roog fa ñoow fee. A soþangaa yee na waxtu jir mbaat na waxtu coono yoo, mbañir mbaat o ñak, fa lay fee kaa lay a in ee: I ðufginoox na Roog fa ñoow fee bugna dimle a in, i mbi'aa o yaakaar no kaa wooreerna. "Yaam Roog kaa gayaa a caf no kiin o booru." (A kim a tedu ke 37:23). O Yaal oxe kaa saþkandaa a caf no kiin o booru, too kaa felakinooxaa no ke ta fi'aa. A yenangaa berengukee. "Yaam refree no batand, refree no mudand, refree na koþ a þor ale a magnandax ale a inoorkaa. Ndaa Roog refu oxe na hate'aa, kaa yoðaa oxene soo a fudin oxaana." (A kim a tedu ke 75:7-8). Roog a maþwa mboþ ne Israel na xa telem axeeke. "Baa nu nga a ndeer nuun o kiin ta sadaxtaa o þeem, o kiin oxaa na layaa fo cini ke fo maðag we, fo waawar we fo waawaare faaxeer we, fiifi paaxeer we, we na teetaa ke yaal a yiif a paaxeer ake a mbi'aa, mbaat na layeel na safe ke, we na laamtiraa fo xon we. Yaam oxuu na fi'aa tig nand neen oxe tooñaa Roog." (A cangin ale 18:10-12). "Ndaa we na mbi'aa cednuwu fo fan we fo we na njaalo'aa for waawar we fo juujuur we fo fop we mbexna o maabaa, o leng na den rokkee na teeru fee muk." (Mbeefiil 22:15). "Ba nu njaaxið muk mbaambir no we na ñango'aa mbaat da teetaa, ba nu yoon fa den yaam ndik da ndoðgand a nuun. Mi refu o Yaal oxe Roog nuun." (A paðax ale 19:31). Boo o kiin a layna a nuun ee: Laamityo we na layaa fo xon we, fo ðeet we, fo we na þiicaa a iinaa, ndoonyo a den ee: "Ndax mboþ ne Roog kaa laamitkee Roog den? Ndax kaa xon we a laamtankeel we na ñoowaa? Na tat fo seede! Boo da layteerna neene, xeet fee njegkee a qoolaand muk. Boo da layteerna nen fa lay feene njegkee a qoolaand." (Esayi 8:19-20).

Ye o jangaa safe deþ leene, Roog kaa layang a regdinwang ndax o xay o ñoow of. Ndaa yiif xomb le refna no xeeñ of kaa riñang no xay boo jaf lakas, yaam kaa bekaa no xeeñ of catar. "Xar wiin lakas we fo qaariit es fa adna fee a laykaa yaa tuubuuma? Nam a saxitkaa um waagatangee ret fecik? Mbaat fog no xumbaare adna?" Keene fop o xalaatan, fañ o ga halal fa mayu fee no Yaal oxe Yeesu, jam um fa mbagkatar fee, baneex um fa mbelu fee, o ndam um, o ñoow o fagkeer ole, neexil um, o mbeq um. O xayangaa a Yeesu ta geniid no xeeñ of, diidkatiro fa nqon, o leng fi'katirang o pað, saytaane xan a xayông too wo fa xoox of xan o ga ke waroona fes a cinj na adna fee. (Heb 2:14-15). Yiif le na riñang o bis ke waroona fi boo o feet kaa saþkandaa xeeñ of boo ta moý o satik mbaambaar xomb.

5. O YAXAL O yaxal muumeen fa soxodu yoo too a ñof. Mbañir, fuux, coxod, fo xeeñ bonu a naanga taxaa boo o kiin a waag o war o kend um. Waagaa jeem o harin coxod of, ndaa boo Roog a yaaraa ta fuudid boo nen o bal gidi. Ke moýna refu yee o xed o Yaal oxe Yeesu ta watnanong xeeñ faaxeer leene. “Ndiiki, ba nu naqadiloox.” (Safe le no mberaand ne 45:5). “Xaýi fuux, ba xaadu, ba bijbijn yaam kaaga paaxeer oo.” (A kim a tedu ke 37:8). “Coxod faaxee too itam fuux waagaand o harin. An na fañkaa yee naalee?” (Xa petit axe 27:4). “Ba yooß o fuux no yiif of, yaam o andee tus na yooßaa fuux.” (O Baawaare xe 7:9). Ndaa ndiiki koy mbaasyo yooß o fuux fo fo njaaku kam ne. (Kol 3:8).

Wiin mayu a naanga njeemaa mignit fuux den a yer mbaat no ndabdinax, ndaa “biñ den, dañat fangool oo, dañat fa mbonu sax.” (A cangin ale 32:33). O kiin o soxodu a rabdinwangaa kam um a ñut, ndaa Roog a laya a in ee ten soom jegu ndabdinax in. Yeesu a laya yee! “Fexi o kend of nen xoox of.” Mbexyo fañ nuun.” Roog a regta yee xan a waasan a in pakaad in yaa i mbaasanaa we tooñna a in. Yiif fuufuux fo yiif foofod felee a Roog. A qalaat a ponu kaa njofna na ñoq mbaat a ðax fo’oy no xeeñ no kiin a refaa. Keene taxu Roog xan a fi jam fa mayu na qeeñ in, i mbugangaa jam feene a miñ.

6. FANGOOL FEE Fangool fee a naxa a Awa na ting alaa Edeen. A yaqa njofoor in fa Roog. Saytaane malaaka fa mbudne fee a fuux’a, ye ta ga’na a Aadama fa Awa a ñoowaa no kebil ke no Yaal oxe, me o pañ oxe a war’ina ref. Coxod taxu saytaane a yaq njofoor den fa Roog. Coxod nand neene mat refu kam a qeeñ no wiin mayu, a mbanuu da nga’nayo gend den a ñoowaayo na jam fo no mbeq. “A yaaw mbaagaand o migin nen o nibaana ole a ndeer no xon we.” (A kim ale na kim ake 8:6). Naal kaa ñekaa a qalaat a ponu no xeeñ too a yaqanaa wiin lakas we jam. A waaga tax o kiin a war o kend um, nen ke na xewaa no ðasil yoq ke. Naal kaa rimaa mbalakaana fo mbañir kam adna fee fo tikoarik lakas lakas kam o ñoow ole. Waawaare we Roog, fo pastoor ke fop a mbar’ayo moytooxaa yen no mbog ne saytaane. A mbanuu da teetna a Roog a moý o njiriñoora a gend den.

7. FAAß LE Faaß lanq a ñoowtaa, kaa tekit mene nduud, “No fex xaaliis, paaxeer kuu ndefna a ngartaa” (1 Tim. 6:10). Na saate faa ne’eena Kongo waagaa ga’aa ga o xos faaß o leng a waraa war ñiñax boo yaa ta fuudidkaa a xon. O kiin o nayu dimle’kee we njegna soxla, ndaa kaa jeemaa fi’it nuu refna ndax ta jeg na halal adna fee kaa nqoy ke fo max ke a yaqaayo rek. Yeesu fa xoox um a laya yee:

“Ba nu mbokatanoox halal na adna fee me max ke fo nqoy ke a yaq-taa, soo guud we a yulaa a nguudaa. Fat nu mbokatanoox halal na asamaan maa max ke fo nqoy ke a naageerna o yaqtaa tus fo maa guud we yulitkeerna too nguudkee. Yaam me halal of a refna, maaga yiif of a refkaa itam.” (Mace 6:19-21). Akan fo yoon um fop a nqon’ayo yaam kaa mbug’uyo wurus fa xaaliis fo tikoarik mosu. (Sosuwe 7). Yudaa Iskaryot, o taalbe Yeesu, a xiru’a yaam ne o bug xaaliis a tax’ina ta hod o Yaal um Yeesu. Refee yee xaaliis mbaat wurus bonu. Ha’aa, ndaa o bug xaaliis ole refna kam xeeñ le no kiin oxe. O bug o jeg xaaliis fa mayu a taxa boo rew we fo goor we a yaq o ñoow den, a yaqoor fo fog den, yaam a ndoonaayo no toon ke mbaat da ndoonaayo no kursu xa belo mbaat pis. Fañ o xij too bug xaaliis kaa ñekaa na bar mbaat na qirax. Moý o jaak ole o jeg xaaliis kaa yoonaa fo o bug o niwel mbaat fo a magnandax. A refan-gaa doole polotik, kaa ref ee ndax adwan lakas we, ta ref doole a pi, ta ref ee ndax o naqadilaa lakas we, ta ref doole a tat kaa sawarnaa wiin we no mosel ole na jangu fee yee jalan a Roog. Boo a tax da ngate’aa a mbegaa wiin tedu we fo we mbogeernayo na jangu fa leng ndax a ndeefaa o Yaal oxe rek. (Mark 9:38). Yeesu a laya yee: “Moýtooxyo too mbootu o mbeq halal, yaam o ñoow no kiin refee no jeg halal, kuu ta mayna may halal oo.” (Lik 12:15). Kene o Yaal mbind o may’u halal too a ñof a reetu. Xa qol um kaa mbaax’u ta kañwaa a layaa yee, nam um fi’kaa yaam jegiim maa geeruuma ke um saxadkaa. Ndaa nene um fi’kaa, kaa um maafkaa tap ke mi, fi waa moýna magin soo geer teen ke saxaduuma fop, fo ke jeguuma fop, soo sogkaa lay no xeeñ es ee: “Wo, o laaw es, jegaa paax mayu kaa geekanoona xoox of boo xa kiid xa mayu. Naagi ñoot-nooxaa, ñaamaa yeraa too felakinwaa!” Ndaa Roog a layaan ee: “Nawtul fene! O yeng oleeke sax sax xan o ñiis of a xuufel, too yaaga boog an na jegkaa ke geeroona? Neene deñ a nandu no xe na fokatanooxanaa a xoox um halal, too jegee Roog ta ref halal um.” (Lik 12:17-21). “Xar a jiriñkaa o kiin ta jeg adna fee fop, yaa ta ñakna o ñiis um?” (Mark 8:36). Cinj kaaga, Yeesu a laya daalbe we ten ee: “Keene taxu mexe layaa nuun ee: Ba o ñoow mbaat ñaamel mbaat ñirax a njaaxdand a nuun. Mee ndax o ñoow ole moýu a ñaam ale, soo cer ke a moý ñirax ke? Mbaatyo kañ Maat ne Roog, too keene fop xan nu ndoonanel o ten. Yaam me kalal nuun a ndefna, maaga a yiif nuun a ndefkaa itaam.” (Lik 12:22,23,31,34).

8. SAYTAANE Saytaane faap no maamaaß we fa xa maap axe, o ten ref mene oxe na fi’nooraa wiin we fop pakaad. Ten hupu a las no xeeñ no kiin. Yeesu a laya yee: “O ñiñ oxe o mat ref faap nuun, too nu mbugee o mbaadin dara, a refangee ke faap nuun a diirwaa. No

mbheraand naa a reftu o baawar, too geenooxkee no ndigil muk, yaam ndigil leng refree no ten. A naagangaa o maabaa koy, no ndap xeeñ um a suttan, yaam ten o maamaab oo too ten refu faap o maab.” (Sañ 8:44). O maab faaxee too jegree o deb fo o maak. A juga xa maap axaa wiin we a layaa, mbaat da mbindaa a den, mbaat da mbi'an. O kiin oxe na fi'waa o tedu, o maamaab a refu, yaam kaa doon xoox um a roog o ndeb faa maabkeerna muk. Kerceen waagee maab. “Yaaga koy, i naagangaa o layaa yee fo ten i mbogu, soo ñaayaa kam o niibaan ole, kaa i maabaa, too ndigil refree no ke i mbi'aa.” (1 Sañ 1:6). “Ndaa we na mbi'aa cednuwu, fo fan we fo we na njaalo'aa fo waawar we, fo juujuur we fo fop we mbexna o maabaa na fa lay fo na pi, o leng na den rokkee na teeru fee muk.” (Mbeeñil 22:15). No tig betuu tik ke Roog a fañna, oxe na seede'aa cegeer, fo o maamaab teen a mbogu. “A juga xa qos ñetaa fo leng axe Roog a bugeerna mbaat sax ñetaa faq waa ta fañna a paax: A kid ake na magnandwaa, ñelem maamaab, xa pay xa yednu, xeeñ le na yiifaa nam a fi'kaa boo a seeq, a caf ake na cackaknanaa paaxeer, o seeseede paaxeer oxe na maabaa, fo oxe na utaa qasir a ndeer o fog ole.” (Xa petit axe 6:16-19).

9. O XOOR OLE O xoor ole tektu mene yiif le refna kam xeeñ no kiin oxuu refna. No nitaal ne kaa balig too a fariy, a ref no nanda-kaan naa andoona yee waagatee ñeetlu sax ke ta fi'aa, ndax a faaxa ndax faaxee. Leekleek yiif faaxeer leene kaa yeebooxaa, leekleek ta jaxasu. Kaa jambaa yaa ta warna waasanit, soo a waasantaa yaa ta warna jamb. “Ndaa koy Yiif le Roog kaa layaa a qool xac ee: No ñaal palakaand ke xan lengleng a mbes o ngim onqe a cinj. Xan weene a mbalakaana'aa no kaa na naxaa a den, a ndeefaa a cangin cini. Xan weene a deboox no jaajangin yememaar maamaab we na mo'noorkaa a den. Jaajangin weene koy, a yiif den kaa nqon, nen kaa doxteena njelem saasu.” (1 Tim 4:1-2). “Yaam xeeñ in a xoola qac no fop ke na ñisiidaa yiif jeejuw.” (Heb 10:22). Kaa xoolandan itam boo nen njelem saasu.

10. A NGID ALE ROOG A ngid ale Roog kaa ga'aa fop ke na xewaa kam xeeñ. Dara waagee mo a ngid um ale nandna nen a laalaam fidel. Ten taxu ta ga'aa a qalaat ake tasneena, fo bugbug ke ndefna no xeeñ. Na nitaal nene a ngid ale kaa nand fa a suptax ale na tagid ale no kiin oxe.

11. A ÑELEM FIDEL AKE A telem fidel ake mbidnayo xeeñ le kaa tekit'oyo o mbeq onqe Roog widna xeeñ baabakaad le. Ndigil oo Roog bugee bakaad. Ndaa a buga a in too bugee fa nqon no

paabakaad. Ndaa a buga da tuub ndax da ñoow. Yeesu kaa gar ndax ta mucliid baabakaad we. (Lik 15:10). "Neene itam mexe layaa a nuun ee: Xan o ñaay o maak a jeg mbaambir no malaaka ke Roog yaam o paabakaad o leng kut oxaa fesna pakaad um a cinj. "A telem fidel ake kaa layaa a in kaa farna na fo'oy Yeesu Kiristaa, "O mbaal onqe Roog na watnaa pakaad adna." (Săn 1:29).

12. MALAAKA FEE Malaaka fee tektu fa lay fee Roog. Roog a buga lay o tew oo, o koor oo, ndax pakaad den a meḍangaa, da ngar me ten ndax a qoolaand ale fo o mbeq onqe ten a ndok na geeñ den.

13. A NUUKUUR ALE A nuukuur ale tektu o anddiloor ole no Yiif Tedu le, yiif ndigil le na jooxaa in bakaad, a tat fo kate ne. Yiif Tedu le refna mene tafil no xeeñ le no kiin oxe, waagee gen koy maa bakaad a genna. Boo nitaal nene no xeeñ leeke a nandna fo xeeñ of, o hebwangaa, yufginwi o Yaal oxe. Watneen no xeeñ of too xaŷ a qoolaand fa lay um a rok teen. Gimi no Yaal oxe Yeesu Kiristaa too xan o muc. Roog a bugaan o motand, too a regta yee xan a supit xeeñ of, too a cooxong xeeñ xas fo yiif lakas. Xan nitaal tikan-deer ne a lalit keene.

NITAAL TIKANDEER NE

Nitaal nene kaa tekit xeeñ laa fesna pakaad um a cinj soo a waataa a Roog. Malaaka a saq laḥ, fa lay fee Roog. "Yaam fa lay fee Roog kaa ñoow too a satik. Ten moyu o weel laḥ a beel a fak. Kaa godaa boo a daaw me o laaw fo yiif a nqetna, a suur boo me a kib cer fo yuux a nqetna. Kaa jaqtaa paax fo ponu na pug fo na qalaat no kiin." (Heb 4:12). "A geekana o kiin ta xon jaf leng kut, soo cinj kaaga hate fee." Neene itam fa lay fee Roog a wetanda o kiin oxe yee "Ndabid bakaad refu fa nqon." O paabakaad oxe fo o nanataru xe xan a ndebel kam fidel fa saasu faa. Malaaka fee deegwa xoox horoswu no bay o lakas ole. Keene kaa wetandaa baabakaad we yee in fop i mbara nqon. Cer ke in i mbugitna nene, ñiraa a den, ñoownaa a den, mosandaa a den too mbaadnaa a den, mbi'anaa a den ke da mbugna fop, xan a nqon boo a mbot, kusax a ñaam a den soo xa laaw axe in fo a yiif ake in na ñoowaa kili, xan a mos o ngeenoox mbaambir o hate and ole Roog.

I nga'a meene o paabakaad oxe bugna nan fa lay fee Roog, oxe wetna xeeñ um ndax o mbeq onqe Roog a rok teen. Naaga Yiif Tedu le dalfo wetaa xeeñ le ten a bekaa teen a qoolaand ale ten. A



2. XEEÑ BAABAKAAD LAA NA WAATAA A MUC

qoolaand ale Roog a roka no xeeñ le soo a rax xa niḃaan axe. Muu-meen pogreer ke tekitrnayo pakaad ke a ḃufayo. Ten taxu wo fee na niiraa, wetani a Yeesu xeeñ of, ten fee refna a qoolaand adna ta rok teen, a xooland xa niḃaan axe ndefna teen. Ne nitaal ne a laltituuna. Yeesu a dakwa lay ee: “Mi refu a qoolaand adna. Oxuu reefaxama, ñaaykee no xa niḃaan, too xan a jeg a qoolaand o ñoow.” (Sañ 8:12). O leng waagee raxood fa doole um soom xa niḃaan axe ndefna no xeeñ um, o jeg yiif um fadee teen too o jeg yiif no lakas fadee teen. Ke moyna yooḃ too a moy o rap pexey leng kut waago fi. Xay a qoolaand ale ta rok, rax xa niḃaan axe, yaam xa niḃaan axe ndefu pakaad in. O nqool onqe fa xa qoor axe a naanga o nqoolandaa a in o ndik no yeng ole. Ndaa a mbanuu njeeḃ ne a inuna fop a xool. Yeesu refu njeeḃ ndigil ne. Yaa Yeesu a rokna kam mbind a qet naa Yeerusaleem, a raxa we njikwoogna qoox, fo paal, fo a nuukuur, a jifit a taabul akaa no soosofnax waa too a lay a den ee: “Mbind es xan a xoyeel mbind a qet, ndaa nuun o mat, kaa nu mbi’an ngol no guud.” (Mace 21:13).

Xeeñ of ngenand Roog a bugte, mbind um. Kaa bug o gen teen, a mosandin, a maynin fo a qoolaand um, fo o mbeq um, fo o ḃaay um. Yeesu garee soom ndax ta waasan a in pakaad in, ndaa kaa gar ndax ta wokit a in no mbañ ne saytaane. “Yaaga koy, boo o Peenqe a watna a nuun, xan nu njeg a qoox nuun tigi.” (Sañ 8:36).

NITAAL NDADKANDEER NE

Nitaal nene kaa lalaa a in xeeñ no paabakaad oxaa fesna pakaad um a cinj. Ndiiki kaa wetandooxaa nakaad mayu tomu ponu ke ta fi’na boo a tax Yeesu a xon na kurwaa. Ye ta ga’na a kurwaa le, malaaka fee na fa lay Roog a lalaan, ta maaf xeeñ um le ricooxna baa yut. A fesa pakaad mayu ke ten fop a cinj too xeeñ um a yuḃaanooxa. Ye ta ga’na o mbeq onqe Roog na Yeesu Kiristaa, o mbeq onqeene a roka no xeeñ um, soo ta sog o andaa yee Yeesu Kiristaa, o Peenqe Roog a gara ndax ta watin pakaad ye ta jaḃna o xonanin took a teex a salwe le.

Ke taxna Yeesu a xawel, a rokel o maxande kiḃ too a caf um fa xa ḃay um a ndengel, soo ta xon na kurwaa yaam pakaad in, kaaga fop a woorata o paabakaad oxe na fesaa pakaad um a cinj. Too itam keene waaga jaxas xeeñ um fo o ñoow um. A mbanuu ta niiraa fa lay fee Roog a waaga ga teen xoox um nen mbaambir o ḃeendoor. Ne ta gotatirit’ina fa Roog fo ne ta ḃaptoogna kebil ke ten, a fat a



3. XEEÑ LAA FESNA PAKAAD UM A CINJ

xoolin a paax. A ricooxa lool too mbanuu ta gar'ina mbaambir Roog a waasnuwiid fa xa lool, Yeesu kaa matiidan. O mbeq onqe Roog fa jam fee ten a mayin xeeñ le ten soo ta sog o and ee "Fo'oy le no Peem Yeesu kaa bogaa a in na bakaad fuu refna." (1 Sañ 1:7). "O Yaal oxe xe goma we ndicooxna na qeeñ den too kaa muclaa we a yiif den a yudaanuna." (A kim a tedu ke 34:19). O mbiñ o lakas fa lay fee Roog a laya yee: "Oxe um deetkaa refu oxe xijna soo a maaf xeeñ um, fo took no xe saðarna fa lay es." (Esayi 66:2). Yiif Tedu le kaa wetandan o ndang fa lay fee Yeesu. "O ðees reti fa jam, pakaad of a mbaasane." Kili a deetangaa na kurwaa le, a ga teen fo'oy le Yeesu. Maaga o paabakaad oxe a anda yee ten fa xoox um taxun too a yega yee pakaad um medatee, yaam Yeesu fo xoox um a roxondwa o tomel in fo coono in. A andata yee Yeesu kaa gaafel yaam pakaad in too a ðolel yaam njofatar in. "Soo o Yaal oxe a fudna took um njofatar ne in fop." (Esayi 53).

A qoolaand ale no Yiif Tedu le a janga ndiiki xeeñ um le roðig'ina too a may fo o niðaan, ta dapin a ran-gandin boo tee tur fa fo'oy le Yeesu Kiristaa. (Esayi 1:18). "Yiif le Roog fa xoox um sax kaa woor-naa a yiif in ee xa tebandoon Roog i ndefu." (Rome 8:16). A gimata yee: "Oxuu gimna no Yaal oxe Yeesu sañkooxkee ndaa xan a jeg o ñoow o fagkeer ole." "Yaam na pexey sadax fee no fo'oy le Kiristaa i mbate no paaxeer, soo pakaad ke in a mbaasanel. Neene boog, Roog a lala in o yaajel ole na yirmande um. (Ef 1:7). A yaaw ale no cer ke a xayata, too ta bugat o ñoowan a Roog a jalaanin "yaam ten eetu fex a in." Ndiiki koy bugatee adna fo tig adna, ndaa Roog a bugatu fo tig Roog. No nitaal nene muumeen ke tekitrnayo pakaad ke a ndefatayo tafil fee no kiin oxe. Yaag oo toox de saytaane bugee xay mbind eetaand ne ten, too kaa wiçaqilwaa a waataa maa ta nomtooritna taaga. A yaakaara yee xan a ðaat o gen teen. Keene taxu o Yaal oxe Yeesu a laya a in ee ba nu ðaan, naangyo nqedaa ndax saytaane a got a nuun.

NITAAL NAHKANDEER NE

"Kaam warel na kurwaa fa Kiristaa." (Gal 2:20).

"Neene itam njaðooxyo nuun fa qoox nuun ee nu nqona tigi boo a taxa nu tegoor o kay fa bakaad. Njaðooxyo itam ee Roog nu ñoowanaa ye nu mbogna na Kiristaa Yeesu." (Rom. 6:11).

"Mi o mat, a refangeerna a kurwaa le no Yaal in Yeesu Kiristaa bugiim o fakoor lakas." (Gal 6:14).

Nitaal neeke kaa laltaa a kerceen faa ga'na jam fa þor fo o ðaay na sadax fee no Yaal oxe fo o Muumucil in Yeesu Kiristaa. "Ke yaawooguuma na adna fee fop, yaawatinum, yaam kaam nand nen oxaa xonna, too a kurwaa le Kiristaa soom taxun." (Gal 6:14).

Yeesu a xona na kurwaa ndax "bakaad a xon na in, soo i ñoowaa no cofel." (1 Piyeer 2:24). Ndef kerceen kaa ndaayaneena adna fee. "A soþangaa yee Yiif le Roog cooxu a in o ñoow, i mbara o ñaayit ne ta heblituuna boog." (Gal 5:25).

Kam nitaal nene i nga'na xatoor me Yeesu a geçin'eena a humel ye ta woleena boo a naang tuc, i mbaaga nga xa yar axe ta xaw-toogeeena a qaw a tomu le, "yaam o ðaay ole na ci'kaa jam, na qaw aleene war'ina in too a dal took um a hatkaa". A ñaatle yaam njofatar in. Herood fo wiin um a nqaadnuwoogaan soo a ndokanin tikoorik yeeq. Ye da ndiwna o maxande kiç boo a çut, a mbañaan o ndokan o maxande wurus soo a ndokanin o maxande kiç ole. A cooxaanoyo o sam olaa saqna kiç, mbañin o coox o sam no maad. Cinj kaaga a ngooknooxooga mbaambir um a njeeran soo a layaa yee: "Jook o maad oxe no Yaawur we." A nduxda took um, a njan-gayo o sam ole na xa þay um, a nqawin o ten no xoox. Ye da ñagadiluunayo boo a çut, a þisaan ndax da ndengin.

A jega wiin mayu waa ndefna kerceen na kon soom. A nqedaa no cangu ke, a njangaa a cu'ax ale no Yaal oxe, a ngimaa too a ndaayaaayo kili o Muumucil oxe na pexey a pi'oof a paaxeer ake den. "No we na layaxam ee: O Yaal oxe, o Yaal oxe, a jega waa ndokkeerna kam Maat ne na asamaan. Oxe na fi'aa ke Faap es fee na asamaan a bugna soom na rokkaa teen." (Mace 7:21-27).

Kam nitaal neeke itam i nga'a o fof ole Yudaa fee naxna o Yaal oxe Yeesu too a jikoorin na xa monjong qarbeen tadiik, yaam o bug xaaliis kaa reetu no xeeñ um too a niðaanin. Soldaar we ndamiid'ina Yeesu a saq'ayo o jam fo ceen. A saq'ayo itam o ndeex onqaa saqna anddiloor ndax da mbanjang o forok ole Yeesu. Ke Roog a yegnit'ina no miñu kaa a fadnuwa. "A lasra tikoorik es soo a mban-jang o forok es." A mbola a Yeesu boo tee tuc soo a ndiñin too a lay ee: "I mbugee o kiin oxeeke a jeg sañsañ took in."

Wiin we fop a mbuga ndaaw na barke fee Roog, na teþ ale ten fo no njeec ne ten. Ndaa mbugeeyo nan ndigil um. A jega waa andoona yee boo da mbetandwaa kaa farna na Roog a njeg coono mbaat da njaaxið.

O soldaar a yul'a o saax ole Yeesu fo a salma too "ndak fo ndak a wata foofi fo fo'oy." Ye a siik ake a ngelna layaa Piyeer a xaña yee andee a Yeesu boo a caf a tadak. Ndaa miñee dara ta ricoox ke ta layna too a loola tomu. Ndax nu mbaasnooxaa a Yeesu na fa lay nuun fo na pi nuun? Ndi toox kaa nu sedaa mbaambir no wiin we? "Oxuu layna mbaambir no wiin we yee a andaxam, xam lay mbaambir Faap es fee refna na asamaan itam ee andaandum. Kaa koy, oxuu layna mbaambir no wiin we yee andiraam too a andaam, xam lay mbaambir Faap es fee refna na asamaan itam ee andinum." (Mace 10:32-33).

Yeesu a laya yee: "Oxuu jangeerna a kurwaa le ta waageena o warit soo a reefanaam, jombaandum." (Mace 10:38). We satikna no bil le refna Yeesu Kiristaa, a taaya. Kaa ref nen bil yufginoor laa Roog a doonna kam a qaadiind ake no xeeñ es xiju le ndax ta damloox teen. Bil es, o paabaat doole es, ndaand es, o çuuñufig es kam coono ke mi, ten refu Yeesu o Baawat oxe.

NITAAL PETKANDEER NE

Ga'aa xeeñ le xoolandeena too a tedlel, no paabakaad oxe mucleena na pexey yirmande fa mayu fee Roog. Xeeñ leene a refata ngenand Roog ndigil, mbind Roog Faap fee, fo Peenqe fo Yiif Tedu le yoo. Kene refu ndegit ne no Yaal oxe Yeesu Kiristaa. "Fexaxama, xan a gay fa lay es, too xan Faap es a fexin itam. Yaaga xan i ngar, ngen no ten." (Sañ 14:23). Na Yeesu Kiristaa Roog a tedlandtu o kiin oxe a barke'tin teen too a jofdatan.

Xeeñ leene a refata ngenand Roog ndiiki. Bakaad a raxte teen. Kaa guutatirnaa fo puufudag ke saytaane fee, faap na xa maañ. Ndiiki koy i nga'a teen Yiif Tedu le, Yiif ndiindigil le. A cinj ye ta refna ngenand nen njer ne boo a çut, xeeñ le kaa refat ndaxar mosu naa saqna xa tim Yiif nen: O mbeq, o ñaay, jam, o yelef, o teey, o paaxel. "Ke Yiif le Roog a rimaa no kiin refu: O mbeq fo o ñaay fa jam fo o muñ fo o laabiir fo o paaxel. Kaa taxaa i ngore, ñuub, too ndamoox." (Gal 5:22).

O gore, o muñ, o ñuub, o yaajel, fo mayu lakas pelu a Roog fo wiin we yoo. A naaq a saxu no ndaxar biñ-ne refna o Yaal oxe Yeesu Kiristaa yoo, too a naaq aleene a saqa xa tim. Ke refna kunpa fee no mayel na xa tim axe refu ta gen na Yeesu, too Kiristaa fo xoox um fo kebil ke ten a ngen no ten. (Sañ 15:1-10). Ne ta daawna Yiif Tedu le too a daaw batiise fee no Yiif Tedu le, a jegata doole faa ta xoxitna a



5. NGENAND ROOG

yaaw ale no cer ke, soo a xiris ngiin ngiid ne reetna fo ten. Noowatee ndax ta ga, mbaat ndax ta duq, mbaat ta nan, ndaa fo o ngim a ñoowataa. Yaam o ngim na Yeesu hupu adna fee doole. Kaa ñoowataa no yaakaar mbooru naa na ñoowaa too a satakinel fo yaakaar ne na kar a tikandeer ale Yeesu. Oxe ñoowaa kam o mbeq onqe fo na pexey o mbeq onqe Roog na refkaa boo faw.

“We njegna xeeñ xoolu a taaya, yaam xan a nga a Roog.” (Mace 5:8). O maad Dawid a and’a yee a ñoq a maak ale xey no xeeñ um ke ta jegna halal fa mayu fo ne ta waagaa fañ we ten na inooraa tafil. A fadnooga ke ta ñakna kam um ye ta xedaa yee: “O Yaal oxe saki na mi xeeñ xoolu, too fi na mi Yiif jagandooxu.” (A kim a tedu ke 51:12). O kiin waagee xoolandood xeeñ um. O leng na in waagee fi’an a xoox um xeeñ xoolu. Yaa i mbesna pakaad in a cinj ndigil, i mbara mbi ne Dawid a fi’ina ye ta xedna yee: “O Yal oxe saki na mi xeeñ xoolu”. Kaaga soom i mbaagu mbi boo njeg xeeñ xas. Roog a buga fi tig qas keene kam nuun. Refee yee yaa nu ndaafaa liir nuun mbaat sax nu ndokoox a den ndax nu lalit o jof nuun, mbaat nu mbi’aa tegit cegkeer muk, keene fop waagee fi xeeñ nuun ngenand naa felna a Roog, ten fee na waataa maa ta dimle’itna a nuun. A juga ndegit naa ta layna yee: “Xam bax took nuun foofi fo xoolu too xan nu nqool. Xam xoolin ndof nuun too xam guutatirand a nuun fo pangool. Xam xoox a nuun xeeñ xas, fo yiif xas. Xam watin no cer nuun a qeeñ nuun ake satikna boo nen gac. Xam doon yiif es took nuun too xam fi boo nu teet ke jooxuuma a nuun, nu ndeefin too nanan kebil ke mi.” (Eseki’el 36:25-27). Keene refu a tekil ale no sil nqas ne Roog a geennitna na fo’oy le no Peem Yeesu Kiristaa.

No nitaal ne i nga’ahina malaaka a feeñ. Too malaaka ke kaa mbi’eel a njalanana we na lamkaa o ñoow o fagkeer ole. Too kaa cooxel ndigal o mbid we sañarnayo a Roog. (A kim a tedu ke 34:8, 91:11-12, Dañel 6:22, Mace 2:13, A pi ake 5:19, 12:7-10).

Saytaane a feeña a qool xac kam nitaal nene. Oxe geenooxa paam xeeñ le nen oxaa na cungaa jeg o gom, boo a rokatina no ngenand um eetaand ne. Keene taxu o taalbe a matwa a in ee baa nu taan too naangyo nqedaa, yaam: “O çiy oxe refna o pañ nuun, kaa widaa nen njogoy nqeexe, a waataa oxaa ta sañikna.” (1 Piyeer 5:8). Moý o jaak ne kaa rokooraan nen malaaka a qoolaand, a naxaa gimu we satkeerna too a fi’aa boo da yaawaa adna fee. A naanga o çiytaa gimu we ndodeena sax boo a maaf a den. “Mbañyo o çiy oxe, too xan a ricatoox a nuun.” (Saak 4:7).

NITAAL BÊTUU FA LENGANDEER NE

Kene ngiin no xaa naxeena yoo. A ngid um a leng kaa nüt, yaam kaa ðaanaa no ñoow kerceen um. A ngid a leng ale a ðeetaa ke widuuna, a ñimluwaa tig adna. A qoolaand ale kam xeeñ um a niñaaniid. Soo xeeñ um le jab'ina xijaa fa Yeesu jabatiran. Kaa gen no yena no pog mayu ke mbiduuna. Kaa fañoogu nan-giloox a tegit ake Roog soo a nan-gilwaa a tegit a paaxeer ake saytaane. A waaga ret na jangu faa, a ðasnaa bugbug adna um yooraa a fat ale, ndaa o mbeq onqe Roog kaa ðutat no ten. Yiif um kaa sal no bugbug mayu kaa mbogreerna. Ta ñasaa kam adna too a damit kili yee a buga a Roog no xeeñ um. O xoor ole no jeg yiif um a niñaaniid. Gadooxatee a kurwaa le fo o sawar, ndaa a refata no ten ndok meðu naa ta bugateerna. O ngim um a yaandooxaa, t fañat o diisoor fa Roog na qet. Ta fi'at nen o pakaadeer soo a yapatil ne xeeñ um a nandna. Ta ci'aa a saytaane fee na fogwaa o ndik o ndik o moofand kam xeeñ um. A naanga moýjaa ðaay yaa ta yoonna fo wiin adna yee yaa ta yoonna fo wiin gimu na Roog we.

Yiif a kopin le tekita o nga'atinax, a waataa maa rokitna no ten. Kerceen fene xeça kaa war o weec a muc ale na yirmande fee, soo a refat kerceen fa nga'atinooxu. A yer a tomu oxe fakaa begax um, a waataa maa ta rokitna. Keene xe feroortaa no ten o ndang o ndang, nen yaa ta yoonaa fo qaariit um pugu adna, na xew maa ta sedna, mbaat ta diidaa ðeetel nen o kiin yaaga, o kacaayu mbaat o buuðu nen o dal. Naaga saytaane a dalfo asin no nof ee bes fee xayee soom yaqkee o ñoow kerceen of. A qalaat a paaxeer ake fo a yaaw ale a sutwaa o ndang o ndang. Ta ñimlu o ndik, a waaga fool rek a laaçeelaa, a fi'aa fa ñas fa nqooleer. A rokaa no baal ke. A retaa na xa moofand xa pelu xe. O pañ oxe a layan ee neene adna refu too bakaad jaf leng refee bakaad.

Ndigil i mbaagee mbañ dara, yaa tiif a koþ saytaane ponu ke fo a qalaat a qoolataru ake a yetaa na qoox in. Ndaa xan i nqawel yaa i nqaýna a den da ngen na in, fo yaa i nqaýna a den da ndut kam a qeeñ in, fo yaa i nqaýna a den da þop a pi a paaxeer ake den. Boo i cooxna a saytaane nqol mbañdir in, ñakkee ðuud o ðay o muum ole too a qic o laaw ole fo yiif le na fidel laa ñufkeerna boo muk. Ten taxu Roog kaa matwaa a in i çuf bugbug ndeþandoong too ba i ñastaa bakaad no xos oluu ta waagna waag o ref. Kaa i mbar o çufan a Yeesu fee o Baawat in, oxe jabna a in.

O kiin oxe nu nga'na too ta dibaa xeeñ le kam nitaal neeke kaa tekita



6. XEEÑ LAA FOGREENA, TOO A XAAJU

tootoŋ we, fo we mbaŋna a tat kerceen, fo muuceek den tootoŋ ke, fo a telem a beewen den ake. Kaa ndibaa too a ngaafaa a qeeŋ ake no kerceen ke. Too xeeŋ xaaŋwu waagee xox song keene. Kerceen fa nand neene wiin we a moŋaa o saɗar sax ee Roog. Kaa xalaataa kili ke wiin we a laykaa mbaat ke da mbi'kaa boo a taxat ta refat o paɗ no wiin we, soo a got a Roog. Paaxeer fo fuux a ngaranan leekleek fo o mbet yaa ta refna na qalaat a tomu mbaat ta hodel, too fok da ndok no xeeŋ le. Fangool fa mbonu fee fa siisu fee a feefiwa yaa andcona yee lakas we a moŋa o njeg halal, fo yaa andoona yee a ngupa in gon. A roka na qeeŋ in yaa i ngeɗanduuna too ci'in o gom, ta naangin kayeet, a riŋaa in no fuux fo o nga'atinax.

O bug xaaliis a yooɗa xaŋel a rok kam a qeeŋ ake in, i naangangee mbetandwaa o as ole no Yaal in Yeesu layna yee: "Yetooxyo too ngeɗ ndax nu yenkee na teetlax." (Mace 26:41). 1 Kor 10:12 kaa lay a in ee: "Ten taxu, fat oxe foogna yee kaa geenu jing a wootoox, yaam ndik ta yen." "Nqoty o ɓonax ke Roog fop ndax nu mbaag o nqox pexey ke no ciŋ oxe." (Ef 6:11-18).

NITAAL BĒTUU TĒKANDEER NE

Nitaal nene kaa laltaa xeeŋ laa na dakwaa a cinj. O kiin oxene kaa xooland'el, soo yaa ta ŋimna ci'it Roog ne a fogata no Yiif Tedu le. Cinj kaaga a baata ɗap a tat a paax ale. A lalta itam o kiin oxaa moseerna fes pakaad um a cinj, mbaat o kiin oxaa gareerna me Roog ke ta nanna Yegil Mbaax ne fop oo. A laye Yegil Mbaax ne, a yegnel o ten a paax. Kaa ref o kiin oxaa na satkinaa xeeŋ um yaa Roog a xoyuuna paam um, ke ta jeemaa a suptax fop kaa moŋaa moŋ o bon rek.

Yeesu fa xoox um a laya kaa farna no xeeŋ laa na dakwaa a cinj na Lik 11:24-26: "Boo jini a xaŋna o kiin, a naaga o retaa na koɓ a beeru, a waataa maa ta ŋootnuna. A ga'angee, xan a lay ee: 'Xam nomtoox no mbind es naa sutoortuuma.' A fadiidangaa koy a soɓ ta leelel boo a xool, a mosandel, a naaga o retaa, a xot cini ɓetuu tik lakas kaa moŋuuna o soxod, da ndet a ndal kam mbind naa. Palakaand ke ndalatinna o kiin oxene a naaga o moŋaa o bon ke eet'uuna o dal." - 2 Piyeer 2:22: "Ke o fetit oleeke a layna, dalu a den ee: "O ɓox ole a geleerooxa, a ŋaam ke ta xuqna", too itam: 'Ruul le ɓogeena boo a ɗut, xan a firkilookahin kam lopopooɗ le."

Fa lay feene na Biibal fee kaa lalaa a qool qac xeeŋ no kiin oxe o



7. XEEÑ SAŦKU LE NA NOMTOOXAA A CINJ

ngim um a dakwaa a cinj, mbaat xeeñ no paabakaad oxaa feseerna pakaad um a cinj. Bakaad fo sañsañ a naanax fee a nomtuwiida, a ngenat kam xeeñ leene. A tagid ale no kiin oxeeene a reta boo a laltataa ke refna no xeeñ le ten. Yiif Tedu le, a nuukuur a yooɓu leene kaa mujat o sutu xeeñ leene, yaam saytaane fo Yiif Tedu le mbaagee ngen o mbiñ o leng. Xeeñ le waagee reefandoor ngenand Roog, fo nqanq saytaane. Malaaka fee tektu fa lay fee Roog. A foosa ten oo, a ret, a wiçaqilwaa, a foogaa yee xan o kiin oxeeene fes pakaad um a cinj nen o piy onqe ruuxna a koɓ. Lik15:16-18: “A bug’a o ñaam lool no ke a tuul ake a ñaamaa, ndaa saḍiran o duq, yaam o leng cooɗ’iran tig. Maaga a refa no xalaataa soo a laywaa yee: Jaajal fodu num faap es a jegu, da njeg ñaamel mayu kaa da mbaageerna o paang sax, soo mi koy um ref meeke, xonaa fo nqeex! Xam inu nomtoox me faap es, too layin ee! Faap, tooñaam a Roog, tooñong. Xoyatel o peef sax a jombaxam. Ndiiki fat o ðeetaam nen o leng no jaajal we wo.” Ye faap fee a ga’na yee o peem a ricwa ke ta fi’na fop, a waasanaan soo a bekin no mbiñ o yaadwu.

Ndaa kam nitaal ne in, jegee a pes a cinj pakaad ndigil. O kiin oxeeene nomtooxee ndigil na Roog. Waatee a baasnax na caf Yeesu. Yiif um kaa fi nen ñaasel fo o jelem o saasu. Kaa ðaanaa, a tiimataa rek. A juga nof, ndaa waagee nanaa o ñuxur ole Yeesu. A juga a kid, ndaa waagee o ga a kamb fidel ale refna ðuga a caf um. Sedatee sax o foñ na bakaad. Saytaane na maadwaa no xeeñ um. Kaa moofit nen o maad took uum um. Ndaxam o kiin oxene a waaga saq a tagid alaa niwnuna, a nand fo o kiin a tat, nen a mboy a pentuure, “too yaaga fop oo kam fee kaa may fo xa kiiç no xon fo qooleer kuu refna.” (Mace 23:27).

Faap na xa maaɓ jangu me Yiif ndigil le a gen’ina. Muumeen fuu refna, bakaad fuu refna kaa yoon fo jini xoox um, fo yiif faaxeer da njegat ndiiki xeeñ le. A soɓangaa sax ee kaa bug o woktoox no weene na qiçan, waagee daɗ a den yaam kaa ngumin. “O kiin oxuu ðapna kebil ke Moyiis, boo wiin ðik mbaat daduk a seede’in, xan a warel, too yirimkaand. Yaaga koy, nam a refitkaa no xe niwatarna o Peenqe Roog, a xeef fo’oy le no kolori ne ta xoolandteena, soo a wenaa Yiif le saqna yirmande?” (Heb 10:28-29). Baati niir 2 Piyeer 2:1-14.

Boo nitaal nene nandna nen xeeñ of, xaariit es, yaaga fat o faɗu mbaambir Roog fo xeeñ of fop. A waaga too a buga waasanit pakaad ke fop, o garangaa me ten fo yiif waawaasnax tigi. Gari me

ten ne o gaana a garit'ina me Yeesu too a layin ee: "A fɛlɛngang, waagaxamo o xooland." (Mark 1:40-41). Ndaa boo satkinaa xeeŋ of boo ndiik, boo o niɓaan ole a moɣanoonga a qoolaand ale, jegatee yaakaar leng, mbaat ɕufig leng yaam koo jil fa nqon, faŋ o jil o ŋoow, yaam "ke bakaad a rabdaa refu fa nqon." (Rom 6:23).

NITAAL ƁETUU NDADKANDEER NE

Nene i nga'a fa nqon fee a matiidaa oxe nomtooxna a cinj, fo o paabakaad oxe na feefetnaa a ticax um. Boo cer a mayna fa xa tomel xeeŋ den a maya fo diid yaam fa nqon fee na garaa. A pelyook ale na fa nqon um oxe refata na caŋ njong um. Baneex fa naanax fee na bakaad fee a reta, ta yoqat o faambir fo ndigil ne no ndabid ne na bakaad fee. O tomel ole na fidel a daawaan, too a ga'a yee waagatee xaariitoor fa Roog. Ke ta bugna xedaŋ ndiiki fop oo, a ga'a yee waagatee mat a Roog, Roog feene ta miɓna sedlataa. We nqoywoogna qaariit um, sadatee ngeenu paam um too fa lay fa njegee maanaa fee ci'atiran ɕufig leng. Halal um fa leweeer fee waagee jok o ŋoow um, too itam waagee mucil o laaw um mbaat ta ɓutin meefi le ten. A ga'a yee a ɗoma, ndax ta damoox na Roog soom, yaam saytaane kaa faŋtan o ten. Ke ta bug'ina eetaand kaa fop, ke ta ŋoowtoogna a xaɣaan too sax o kaynaak o cofataru xe ten waagatiran o dimle ndiiki. Ta andiidat ee: "Ndaw sabab yaa o kiin a yenna na xa ɓay Roog fa ŋoow jok fee!" (Heb 10:31).

A yaakaarooga yee na bes fa leng, xan a waag o reef a Roog. Xeɕa boo ta wonduna no njong fa nqon um, ndaa ndiiki a ɗeeta kaaga boo a and ee kaa ŋaalel. Wiin mayu a naanga nqonaa fa nqon fa ŋexetu too kaaga a naanga taxaa boo mbaagkatee mbaat a Roog no njong fa nqon den. Keene taxu o kiin a wara waat a Roog a mbane ta waaguuna o daaw. No nitaal ne in o paabakaad oxeke na saŋkuwaa, yaam a deɓa yirmande fee fo o mbeq onqe Roog no ŋoow um fop, nanatee xa ŋuxur xa yaayaal xa muumucil axe Roog, ndaa o ŋuxur no kaahate um a nanaa. Nanatee o ŋuxur no Muumucil um, oxe na layan ee: "Ngotaamoo, wiin halakooxu we! Ndetyo kam fidel fo ŋufkeer muk ole jagandan'eena o ɕiɣ oxe fo malaaka um." (Mace 25:41). "O kiin jaf leng kut a geekane ndax ta xon. Cinj kaaga, xan hate fee Roog a gar." (Heb. 9:27).



8. MUUKANDOONG NO PAABAKAAD


NITAAL BĒTUU NAHKANDEER NE

Nitaal nene kaa lalit kerceen faa na maafreel kam fidel laa no coono ke fo pog ke. A fogel na xa pason xa mayu, ndaa ta fan too a jab boo no muukandoong naa. Kaa gen no maafaa fa Yeesu Kiristaa. "Fat a kid in a ngaan na Yeesu fee geeninna o ngim in no kaa xotitna no mberaandoong naa boo no muukandoong naa." (Heb 12:2). A deba a toq a medu lene fa bakaad fee yooBuuna o hul, too a yufan no calel ke mboduuna mbaambir. Saytaane fo a tat um fop a mbida xeeñ le no kimu xe. A njeemayo too mbaagee tapnoor o ndeBandoong onqe Roog a tat a cofu le. O nga'atinax, o bug xaalīs, fo cini paaxeer ke na seeqnoora a fo lakas lakas a mbeeñle teen.

O faam refatu me o yaxal ole a reetna, yaam kili bakaad a roktaa kam no kiin na xa qos xa mayu, a das yooro o forok ole ten mbaat no gon lakas.

Yaagoo toox de kerceen fa teeyu kaa anddaa bakaad fee yaa ta bugna huloor a tat ale, a nand nen malaaka a qoolaand, yaam fa lay fee Roog fo Yiif Tedu le kaa toxa no ndigil ne. Nu nga'ahina teen o kiin oxaa na fecaa, a dam no bay um o kaas biñ, kaa bug o bek kerceen fee kam mbog, a feeñlaa mbaambir um tig adna. Ndaa keene fop waagee wañ a kerceen faa hiBooxna too a xon no ndigil fa Kiristaa fo na bakaad, fo na adna. O kiin o lakas a dibaa xeeñ gimu le. Neene cambir ke, njofatar ne, fo njeerir ne, tooñ ke fan we Roog a mbi'aa, fo we yooBna nqoywaa gimu sax kaa ndibaa xeeñ no xaa gimna tigi. A wetandwa fa lay fee Yeesu. "Boo andoona yee nu mbene, ñagadilel too mberanel paaxeer kuu refna yaam mi, nu taaya! Mbelakinooxyo too ndef kam o ñaay, yaam sadig nuun xan a magin na asamaan. Ba nu mbeecit itam ee neene a ñagadilit'u duleer we adooxna a nuun." (Mace 5:11-12).

Bakaad, njer ne, ta tekis in. "NGIIN IN" kaa fi'aa kili kuu ta waagna fop ndax ta watin kerceen no mbeq Roog. Too yaaga fop i mbaaga lay fo o taalbe xe kam o ñaay fo a koolax tigi yee: "An waagu boog o sattirand a in fo o mbeq onqe Kiristaa? Ndax natu a refkaa boog, ndi o laaw o xata o dalataru, ndi ñagadil mbaat nqeex mbaat a pangid mbaat taamaala mbaat fa ngon?" "Ndaa no keene fop koy, in mbaagu meen na pexey doole Kiristaa fee fexna a in." (Rom 8:35, 37). Boo kerceen a xotna ñonax ke Roog, a waaga saxlu na keen no ñaal tomu tig ke too a xox pog ke fop. In itam i mbaaga njeg o ndam yaam Yeesu fee na ci'aa a in doole.



9. XEEÑ NA GOMREEL

O xoor ole no jeg ole kaa xool boo a meleêaa. Xeeñ le kimu xene kaa may fo o ngim too Yiif Tedu le a gena teen. Malaaka fee Roog oxey yooru um, fa lay fee, kaa wetandan ke we njegna o ndam too a muñ fop boo no muukandoong naa, a ndegeena. "Oxe na maafkaa, xam ci'in ta ñaam no ndaxar ne no ñoow ole refna kam a ting ale Roog." "Oxe na maafkaa, ñimkee fa ngon fa tikandeer faa. "Oxe na maafkaa, xam ci'in maan fa tasu. Xam ci'in itam bil ran fur. Took bil leene koy, gon xas a binde teen." "Oxe na maafkaa koy, a gen no fi'aa ke buguuma boo no muukandoong naa, xam lasin qeet ke da ndef na sañsañ um." "Oxe na maafkaa, xan a rokoorit neene itam ndoki ndan naa na ñooqaa, too foritkiim gon um no safe le no ñoow ole. Mbaambir Faap es fo mbaambir malaaka ke ten, xam lay ee andaandum nen oxaa fogna na mi." "Oxe na maafkaa koy, xam geennin nen a toodook ta jañ Mbind ne na Roog fee mi, too sutukatee teen." "Oxe na maafkaa, xam ci'in ta moof fa mi took uum-maamaad es." (Mbeefil ne 2:7, 11, 17, 26, 3:5, 12, 21).

O mbof xaaliis onqe wokteena kaa tekit ee kerceen fee a cooxa a Roog xaaliis um. Yaqee paax ke ta jegna na adna fee, a xotan a dimle'tan we njegeerna, a cooxtaa sadax, fop daal yaam o ndam onqe Roog.

O ñeg mbuuru le fo liñ ke kaa tekit ee oxe ñoowaa o ñoow o xoolu too fi'ee a las a kupu. Naangee rokaa no nqoolatar, a yeraa kaa saqna alkoon, a yeraa fo'oy njegel, mbaat tig lakas kaa xooleerna. Naangee yaqaa xaaliis um, too naangee rodgandaa cer um ke ndefna mbind Roog ne yaa ta saapaa mbaat ta magaa sumbu. Naangee ñuudaa kaa na waynooraa itam, mbaat teex lakas ke mbaaxeerna, ndaa kaa ñaamaa ñaamel paax, yooñu too a ted. Xeeñ um a refata mbind a qet. A jegangaa soxla mbaat tig a damin sax, kaa retaa kili jangu. A buga a qet, no mbind mbaat yaa ta refna fo pãsil um, mbaat na pet, yaam a anda yee kerceen waagee ñoow a matrangee fa Roog na qet.

Safe le weteena refu Biibal le too kaa jangana ñaal nuu refna, too a naanga soñaa teen o jeg yiif doole, fo o muñ, o ñoow a qoolaand fo halal fa mayu too a lew. A refata o lampa na caf um, fo lañ naa ta ñoxortaa fo fañ we ten. Tig paax oo no ten, yaam mbuuru ñoowir o laaw um kili yoo, foofi fo ñoow olaa na watnaa a koñom um oo, maa andoona yee a waaga ñogoor maaga, o ñeendoor olaa ta waagna ga'it xoox um.

A buga saq a kurwaa le, yaam a anda yee a kurwaa le a fogangee, o

ndip jegkee. Ne ta andna yee a xontooxa fa Kiristaa yaam o rimel o xas ole, kaa waataa ke refna took, ke na refkaa boo faw, ke waagaandeena ga. A waaja o xet ole fa Roog too kaa nand fo ndaxar naa jimbeena goma foofi, a saq xa tim, nen a naaq ndigil no ndaxar biiñ too a saq xa tim xa mayu. O koor oxene sadaree fa nqon, yaam fo o mayel ole no Yiif Tedu le, o mbeq onqe Roog kaa maytand xeeñ um.

NITAAL XARBAXAYANDEER NE

Yeesu a layin ee: "Mi refu a qontax fo o ñoow. Oxuu gimna na mi a ñoow, a xonangaa sax, too oxuu na ñoowaa, a gim na mi, xonkee muk." (Sañ 11:25, 26). "Oxuu nan-gilooxna fa lay es, a gim no xe luliidaxama, a jega o ñoow o fagkeer ole, too geenooxkee no nqeloor naa muk yaam kaa inoor na fa nqon a rok no ñoow." (Sañ 5:24). Fa nqon diidlandee a kerceen too taxee ta sadar. "Boo cer in keeke a supteena boo yastukatee, mbaagkatee o nqon, xan ñelem leeke a fadnu: 'Fa nqon a ñuude a lanq. Moo cam! Fa nqon, taa fak of? Kaam ee: Fa nqon, taa sañsañ kañaan of?' Sañsañ kañaan fa nqon refu bakaad, sañsañ bakaad a ref no kebil ke. Ndaa koy, Roog a fi'a jam, ten fee fapitna in doole fee Yeesu Kiristaa o Yaal in boo i maaf." (1 Kor 15:54-57).

Oxaa ñaayna fa Roog a ref fo ten miñu, sadaree fa nqon. Boo waxtu um a fadna, xan a jañ o ret ne apootar Pool a laytuuna. "Me ta refna kaam gid-a-tak: Kaam tayaa sutu adna feeke, ret ñoowik fa Kiristaa, too a wooraxam ee ten moñu." (Fil 1:23).

Kerceen a buga ga'ir fa Yeesu, a buga ga lool oxe xonanuuna na kurwaa ndax ta waag o jeg a muc. Yiif Tedu le a naanga wetandan fa lay fee Yeesu: "Ba nu njaaxið, ngimyo na' Roog, ngim na mi. Xa moofand xa mayu axaay mbind Faap es. Kaaga a jeg'angee, laykooginum a nuun. Kaam jagandankaa a nuun koy maa nu moofna. Boo retuuma, boo nu njeg maa nu moofna, xam nom-tuwiid, xot a nuun, ndax muu refuuma, nu ndef maaga nuun itam." (Sañ 14:1-4).

Ne a Pind a Tedu ke laytuuna: "Kaa ref kaa a ngid a ga'eerna, nof ñaadiran, ta tuub xeeñ no kiin faw. Kaa ref kaa Roog a roxanna we mbexuuna soom." (1 Kor 2:9).

I mbaagee lay o ndam o mbodne refna na asamaan too a geekanel we na ndeefaa a caf ake no Yaal oxe Yeesu Kiristaa na adna fene.



10. ROKI NO NDAM NO MUUMUCIL OF

Me sañañaar ngedu ne tekitna fa ngon a reetna, i nga'ata meen no nitaal mbalakaand ne malaaka fee refna o tuleer Roog. Oxe cun-gaa, ndax ta waag o bis a Roog o paabakaad oxa xoolandeena. O laaw um fo yiif um a sutwayo no njer nqoonqon neene, soo a ñaay farna fo oxe o laaw um a fex'ina, oxe ta ñoowanoozna boo neene ta xonan'un. Roog xan a dalnin fo a telem a mosu ake no Yaal um fo kaynaak um ake ndefna: "Jook a njal, o tag o paax o kore'u xe! Gore'aa no tig neewu, ten taxu xam doxnong mayu. Rokiidi too felakinoox fo o yaal mbind of!" (Mace 25:21). Saytaane jegateë sañsañ fa leng no ten, "Yaam fa ngon no we mbexna o Yaal oxe tig maak oo na kid um." (A kim a tedu ke 116:15). "Cinj kaaga, nanaam o ñuxur olaa inoorna na asamaan, a layaam ee: 'Bindi keeke: We na nqonaa no Yaal oxe no ke xotitna ndiiki a taaya! Yiif le Roog a yegnita yee keene ndigil oo: Xan a mbaagat o ñootnoox no calel tomu ke da ngomoogna, yaam a pi den xan a ndeefan a den." (Mbeeñil 14:13).

Wo fee na niiraa o ñeendoor ole no xeeñ le, yaasam Roog a dimle'ong boo o coox oxe fexoonga xeeñ of, yaam oxe refaa goma of too a layang ee: "O ñees o ndew, o ñees o ngoor, cooxaam xeeñ of." (Xa petit axe 23:26). Cooxi a Yeesu xeeñ xiju le wo, xeeñ of le ñakna yaakaar, xeeñ of le na ñaataa too yaaga xan a cooxong xeeñ xas fo yiif xas. Ba xay xeeñ of a naxong a reefnoorong ke ta bugna, yaam "oxe hoolooxna xeeñ um o tof a refu. Ndaa oxuu na ñaayaa fo o jeg yiif xan a muc." (Xa petit axe 28:26). Xayi pakaad of too hiiboox no cofel ole, "Ke bakaad a rabdaa refu fa ngon, ndaa ci'it mbadu ne Roog refu o ñoow o fagkeer ole na Kiristaa Yeesu o Yaal in." (Rome 6:23).

Ndaa wo fee cooxna a Roog o ñoow of, dami a paax ke daawtoona no ngim onqe, fo no mbeq onqe refna na Yeesu Kiristaa yaam ke apootar Pool a layna no leetar o ñikandeer ole na Timote 1:12 "yaam andaam no xe sinjuuma o ngim es, too a wooraxam ee o ten waagu o xoxit ke ta doxnaxama boo na bes faa." Satakinooxi no ngim o tedu nqe, xedi fo Yiif Tedu le, damloozi no mbeq onqe Roog, too ñeetaa a Yeesu fee refna a tat ale fo ndigil ne fo o ñoow ole, ten fee o Yaal oxe na nomtooxiidkaa ndiiki a xotiidi wiin um. "Ten refu o maad no maad we, fo o Yaal oxe no Yaal-we."

"Roog oxe refna o leng, a ref o Muumucil in na pexey o Yaal in Yeesu Kiristaa, ten soom waagu o saytoox a nuun no njom nuu refna. O ten waagu o geenin a nuun itam no ndam um, nu ñak sik, ndef no ñaay o maak. Yaasam ta boxotel o ndam fo maat fa doole fa

sañsañ no kaa xotitna no mberaand naa, a gar ndiiki boo na moos boo moos! Aamiin.” (Yudaa 24,25).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.angp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.angp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature evangelique, des livres et des traites en plus de 538 langues, écrivez a:

Para obter gratuitamente a literatura evangelica, livros e folhetos em mais de 538 línguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de littérature evangelique financée de dons

Missão de literatura Evangelica financiada por donativos

(Reg. No. 1961/001798/08)